

նը, բայց շերամապահների տնտեսական դրութիւնն արգելք է լինում գորան: Այժմ արգէն, տեսնելով խաղողի այգիների առաջանալը, շատերը կոտորում են թթենիները, որպէս զի խաղողի այգիներ ձգեն, և կասկած չկայ, որ եթէ օգնութիւնը շուտ չհասնի, մօտ ապագայում կ'փչանան թթենու այգիները, որոնց մշակութեան համար բնակիչները քիչ տարիներ չեն աշխատել:

Ներկայ տարին յաջող չէր շերամապահութեան համար. անձրեւային գարունը, անյարմար որդնաբուծարանների պատճառով, առաջացրեց որդների բազմատեսակ հիւանդութիւններ, որոնք կոտորվում էին մեծ քանակութեամբ, բայց և այնպէս ներկայ տարուայ բոժոժների քանակութիւնը աւելի եղաւ նախընթաց տարուանից, այսինքն՝

Գեօկչայի գաւառումն ժողովուած է մօտ	7,000	փութ
Շամախու	»	» 2,500
Լէնքորանի	»	» 245
	բոլորը	9,745 փութ

Բոժոժի գինը քիչ աւելի բարձր էր, քան 1890 թուին՝ այսպէս՝ բաց բոժոժի փութը (տեղական տեսակի) արժէր 8—10 ռ. իսկ եւրոպական բոժոժինը՝ 13—16 ռ չոր բոժոժի փութը արժէր 30—40 ռ. իսկ եւրոպականը՝ 38—44 ռ. հում մետաքսի փութը տատանվում էր 140 և 160 ռ. մէջ:

ԱՅԳԵԳՈՐԾՈՒԹԻՒՆ

Բագուի նահանգի այգեգործութիւնը կենդրոնացած է հետեւեալ գաւառներում՝ Ղուբու, Շամախու, Գեօկչայի, Լէնքորանի և Բագուայ:

Այգեգործութեան պարապմունքը ամենից աւելի զարգացած է Ղուբու գաւառում, ապա հետեւում են Շամախու և Գեօկչայի գաւառները. այս տեղ այգիները կենդրոնացած են երկու դաշտերում, «Խանչորանը» Շամախու գաւառում, իսկ Սարգարլու Գեօկ-